



PENUNTUT yang terbabit dalam menganjurkan program Lets Listen To Nature di Zoo Negara.

# JOM SAYANGI HAIWAN

60 penuntut UPM kongsi maklumat dengan pengunjung Zoo Negara



AKTIVITI menarik yang memberi peluang untuk pengunjung turut serta.



KANAK-KANAK seronok melakukan aktiviti di booth.



**Redzuan Muharam**  
gen.y@hmetro.com.my

**Keinginan** berkongsi maklumat kepada umum mendorong penuntut Ijazah Sarjana Muda Sains Biologi Universiti Putra Malaysia (UPM) bekerjasama menganjurkan program 'Let's Listen To Nature' di Zoo Negara, baru-baru ini. Program anjuran Kelab

Mahasiswa Biologi (Jabatan Biologi Fakulti Sains UPM) itu membabitkan kolaborasi antara UPM dan Zoo Negara dengan tajaan Persatuan Ekologi Malaysia.

Pengarah Program Farah Farrisyah Ibrahim, 22, berkata, 60 penuntut semester satu hingga lapan turut serta dalam program julung kali bermula jam 8.30 pagi hingga 3 petang itu.

"Kebiasaannya, pengunjung hanya dapat melihat haiwan dan mengetahui maklumatnya dengan membaca informasi di papan kenyataan saja.

"Namun, pengajian program ini membolehkan mereka mengetahui lebih lanjut mengenai haiwan

seperti habitat, diet, dan spesies yang hampir pupus seperti tapir, harimau malaya, orang utan, burung dan burung upih berserta gambar di booth interaktif.

"Pada masa sama, pengunjung juga dapat melihat demonstrasi penuntut dengan kakitangan bahagian pendidikan Zoo Negara dalam melatih haiwan kembali kepada simulasinya," katanya.

Menurut Farah Farrisyah, selain berkongsi maklumat kepada pengunjung, program berkenaan juga memberi faedah kepada penuntut yang turut serta.

Ia bukan setakat dapat mempraktikkan ilmu yang dipelajari di dewan kuliah

malah meningkatkan tahap keyakinan ketika berkommunikasi.

"Secara peribadi, saya gembira kerana program itu mendapat sambutan menggalakkan daripada pengunjung yang menghabiskan waktu hujung minggu bersama keluarga di Zoo Negara."

"Bukan saja orang dewasa malah program ini juga mendekatkan kanak-kanak dengan haiwan menerusi permainan dan aktiviti menari yang diadakan."

"Diharap program ini dapat diteruskan pada tahun berikutnya dan menjadi acara tahunan bagi Kelab Mahasiswa Biologi," katanya.